



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm LXI. Cum speciali.

---

[urn:nbn:de:hbz:466:1-62587](#)

pellatum, cesseret à grauamine, seu illud revocet, cessare debet appellatio. Consequenter Iudex in causa procedere potest. Et procedit hæc Regula, cessante causa &c. si causa, propter quam aëtus fit, aliusve effectus sequitur, unica sit, seu adæquata, sin autem duæ cause, & vna cessante altera non cesseret, tunc distinguendum, num vna sufficiat ad effectum producendum, aut sustinendum; hoc casu subsistit aëtus seu effectus, §. affinitatis institut. de nuptiis. vbi rubrica ait: si duæ sint rationes eiusdem dispositionis, & vna cesseret, altera manente, consistit dispositio, an verò vna illa causa, quæ remanet, non sufficiat, tunc actus seu effectus corruerit, vti docui l. i. tr. 4. c. 22. n. 23.

Adverte autem sermonem tantum esse de appellatione à grauamine, seu interlocutoria, at verò definitiua sententiam Iudex ordinariè reparare, aut revocare non potest, quia sive bene, sive male judicarit, officio functus est: l. Index ff. de sent. & rejud.

Nòt. II. Non tantum appellari potest à sententia Iudicis interlocutoria, sed etiam a comminatione grauaminis inferendi per jurisdictionem, v. g. si comminetur Iudex capturam, aut torturam.

2. His addit quoddam in quibusdam casibus etiam post sententiam definitiua latam Iudex cognoscere, aut revocare possit, quos leges apud Bald. l. i. C. sententiam rescindit non posse, Alexand. de Nauo. hic n. 23. 1. Si notoriè constet de iniustitia sententie, aut ex partis confessione, secundum doctrinam Innoc. in cap. Quia pleriq. n. 3. de immunit. Ecclesiast. Ratiō est, quia si notum est, aut in confessio, sententiam esse iniustum, non potest eius executionem petere is, pro quo lata est, sed neque ipsemet Iudex eam excipi poterit, quia iniustitiam suam magis augeret & confirmaret. Vide c. Cum inter. 13. de rejudic.

2. In causis criminalibus, matrimonij, aliisque, in quibus ob peccati periculum sententia non potest transire in rem judicatam, Iudex male à se latam sententiam retractare debet. c. Lator. 7. c. Cosanguinei. 9. de re judic.

3. Sententia retractari potest per viam restitutiois in integrum. l. Divisi. 33 ff. de re jnd. c. 1. de in integrum restit. in 6.

4. Si sententia lata sit officio Iudicis nobili, revocari eam posse, docet Bart. in l. i. §. vlt. ff. de pratoria stipulat. Alex. hic. n. 45.

## CAPITVLVM LXI.

### Cum speciali.

#### P A R A P H R A S I S.

Innocentius II. in Concil. Lateranensi I. præfatur quoddam antea in Ecclesia constitutum sit, ne quis excommunicacionem in aliquem, nisi præmissa competente comminatione promulget. Verum ne hac occasione commonitus per frustatoriam recusationem, aut appellationem declinare queat, id est statutum hoc concedit, quod, volens Iudicem ut suspectū recusare, coram eodem causam suspicio- nis explicare debeat, postea vna cum ad- versario, vel si adversarium non habeat cum Iudice, consensu communī arbitrios eligere, sin autem consentire non possint, tunc vna pars vnum, altera alterum arbitrum sine malitia designet, qui de causa suspicionis cognoscat: Hi arbitri si in vnam sententiam concordare non possint tertium eligant, ut quod duo ex his tribus judicarint, firmum sit, sciantque se ad hec fideliter exequenda graui obligatione præcepti teneri. Si itaque causa suspicionis ac recusationis, coram arbitris legitime probata non sit, Iudex suā jurisdictione vietur, sin autem probata, tunc Iudex ex consensu recusatoris, idoneæ personæ causam committat, vel ad Superiorē transmittat, ut is secundum jura procedat, & definiat.

#### S V M M A R I V M:

1. Excommunicatio ab homine ferri non potest in aliquem, nisi præcedente canonica monitione.
2. Et haec tria esse debet, vel vna, saltem ut censura sit licita.
3. Iudex aut Pralatus Praecepta sua à comminatione censura non incipiat, nisi culpa aliqua vel mera fatigandi antecesserit, vel

# De Appellationibus, recusationibus, & relation. 565

vel alia rationabilis causa id exigere videatur, quo casu præcipere potest in futurum sub pena censura ipso factu incurriende, & parere recusans in contumacia constituitur.

4. De causa recusati iudicis, non iudex ipse, sed arbitri electi cognoscunt, nisi causa sit aperte friuola.
5. Si arbitri causam recusationis justam iudicarint, quid tunc agendum iudici Ordinario.

**N**otandum I. Excommunicatio ab homine ferri non potest in aliquem, nisi præcedente Canonica monitione. *c. Sacro. 48. de sent. excomm. c. Romana. s. eod. in 6.* Verum ut ex eodem cap. Romana colligitur, distinguere oportet inter culpam præteritam & præsentem & futuram, si enim v.g. Clericus alienam vxorem detinuerit ac detineat, excommunicari statim non potest, cum nondum contumax & Ecclesiæ inobediens appareat, donec admoneatur, & is admonitioni parere recuset.

Debet autem monitio hæc Canonica esse trina, vel una pro trina. *cap. Constitutionem. §. statutum. juncta gl. verb. una. de sent. excomm. in 6.* saltem ut licet feratur excommunicatio, aliave censura, licet nihilominus valida sit, dummodo contumacia post quamcumq; admonitione perspecta fuerit, secundum gl. receptam in *cit. c. Sacro. verb. justa.* & sumitur ex eodem *cap. & citato. §. Statutum.* vbi additur: si periculum in mora sit, non esse temporum interualla concedenda, sed mox, dummodo contumacia appareat, nisi iussus aliquid facere, vel à delicto absistere, parere velit, censuram infligi posse, de quo videri potest *Suar. de censur. D. 3. S. 9. n. 4. Sayr. in Thesaur. l. c. 12. n. 18.*

3. Siautem ita loquamur de culpa futura, tum ex *c. Constitutionem.* habetur, quod Iudex, aut Prælatus cauere debeat, ne præcepta sua à comminatione censuræ statim incipiat, nisi culpa aliqua, vel mora satisfaciendi antecesserit, aliave rationabilis causa talen præcipiendi, aut vetandi modum postulare videatur, tunc poterit præcipere, aut cauere in futurum, sub pena excommuni-

cationis, suspensionis, aut interdicti, ipso facto incurrenda, nisi hoc factum fuerit, aut nisi id omissum; tunc verò alia monitione opus non est, quia ipsum præceptum propositū homini, concessò ei temporis termino competente, intra quod deliberare, & præceptum, si velit, implere possit, sufficienter moneret, hominēmque obtemperare recusantem in contumacia constituit, sicuti docuit *Suar. cit. Disp. 3. s. 2. n. 5. & 10. Henr. 1. 13. c. 16. §. 3. in fin. Sayr. l. 1. thesaur. c. 12. n. 6.* Veruntamen de contumacia debet sufficienter constare, secundum doctrinam *Nauarri. in cap. Cùm contingat, c. Nullitatis. 8. n. 4.* vbi ait: si Iudex præcipiat Triclo, sub excommunicatione, ut pro offensa satisfaciat intra dies octo quod clausulam justificatoriā adiucere debeat, si te eo præcepto senseris grauatum, tunc compareas &c. secus verò dicendum, si notoriè constet præceptum justè impleri posse ac debere, tunc fieri potest cum comminatione centuræ ipso facto incurrendæ, etiam sine clausula; sed adiuci solet præceptum, ut post transactum tempus aliquod compareat reus ad ostendendum se paruisse præcepto, vel si non paruit, ad vindendum & audiendum se declarari incidisse in censuram.

**N**ot. II. Si Iudex ut suspectus recuseatur, non ipsemet cognoscere potest, num subsit causa recusandi, sed ad hoc cognoscendum arbitrii eligendi sunt, sicuti docui in *Disp. de jurisdictione concl. 37.* Intelligi autem id debet, si causa recusationis probabilis afferatur, sin autem manifestè friuola, tum Iudex cā reiçere, & nihilominus procedere potest. Veruntamen si Iudex male declarare videatur, recusationem friuolam esse, ab eo appellari potest.

**N**ot. III. Si arbitri causam recusationis justam iudicarint, tunc Iudex ordinarius (secus dicendum de delegato. *cap. Index. 6. de offic. deleg. in 6.*) litem principalem alicui, cum consensu recusatoris delegare debet, veleundem cogere, ut in arbitros consentiat, *cap. Si quis. contra 4. de foro competente.* Vel denique si isti modi non succedant, causam ad Superior em transmittere, prout *Imol.*

b b b b ; his

hic docet. n. 12. quemadmodum monet hic  
Abb. n. 5. Alex. n. 12. esse hunc specialem ca-  
sum, in quo Archiepiscopus circa appella-  
tionem cognoscere possit de causa subditorum  
Episcopi, si ipse recusatus eam ad Ar-  
chiepiscopum transmittat.

### S. Porro.

Si subditus comonitus, ut à delicto absistat,  
appellationem obiecerit, tunc si excessus  
eius evidentia facti, vel ipsius confessione  
aliòve modo manifestus est, appellationi  
non est deferendum, cum remedium ap-  
pellationis non ad defensionem iniqui-  
tatis institutum sit, sed ad innocentiae præ-  
sidium, si excessus dubius sit, tunc ap-  
pellans causam probabilem appellationis  
coram Iudice exponere teneatur, talem  
videlicet, quæ si probata fuerit, legitima  
reputari debeat, & tunc si adverbarium  
habuerit, intra terminum secundum lo-  
corum distantiam, temporis qualitatem,  
& negotij naturam à Iudice definiendū  
appellationis causam prosequatur, si au-  
tem prosequi intermisserit, tum Iudex non  
obstante appellatione procedat; quod si  
autem nullo comparente adversario Iu-  
dex ex officio procedat, in hoc casu Supe-  
rior ad quem appellatum causa coram i-  
psō probatā officium suum exequatur; si  
autem in probatione justæ appellationis  
appellans defecerit ad Iudicem à quo ap-  
pellatum, eum remittat, qui malitiosè ap-  
pellavit. Verum hæ duæ constitutiones  
huius cap. ad Regulares extendi non de-  
bent propter speciales eorum observationes.

### S V M M A R I V M .

6. Si excessus notorius sit, non potest appellari à correctione ipsius.
7. Notorium quot modis dicatur.
8. Terminus temporis designandus secundum distantiam loci temporis, qualitatem & naturam negotij.
9. Appellatio à correctione non recipitur, nisi allegata causa probabili.

10. Si appellatum sit à judge ratione officij pro-  
cedente, is à judge ad quem citari debet,  
vt processum suum defendat.
11. Prelatus Regularis ad corripiendum pro-  
cedens secundum Ordinis regulam, recu-  
sar in non potest, nec ab ipso appellari.

**N**ot. I. Si excessus seu delictum mani-  
festum aut notorium sit, non potest ap-  
pellari à commotione & correctione. Di-  
citur autem notorium, variis modis iuxta. 6.  
*vlt. de cohabit. Cler.* 1. Per evidentiam facti,  
quod nullā transgressione celari potest. *cap.*  
*Cum olim. 24. de verb. significatione.* 2. Per  
confessionem Rei in judicio. *c. Romana. 3. §.*  
*Si autem. h. t. in 6. dummodo ita facta sit, vt*  
excusari non possit, & in alium sententiam pro-  
babiliter interpretari. *l. vlt. C. de errore Ad-  
vocator. c. Cum dilekti. 18. de accusationibus.*  
3. Per testes idoneos, si iis nihil oppositum  
sit, & in causa conclusum, siquidem ex pro-  
bationibus in judicio factis notorium exur-  
git. *cit. c. Cum olim*, idque postquam renun-  
tiatum & conclusum fuit, ait *gl. in c. Signi-  
ficarunt. 36. verb. liquere de testibus.* 4. Per  
sententiam condemnatoriam, si appellatum  
non sit. *cit. c. vlt.*

**Not. II.** Terminus temporis seu dilatio  
designanda est secundum loci distantiam,  
temporis qualitatem, sintne dies breues, an  
longi, tempestas commoda, vel incommo-  
da, & secundum negotij naturam.

**Not. III.** Appellatio à correctione non  
recipitur, nisi allegata causā probabili. Quod  
si Iudex à quo dubitet, num causa justa sit,  
non tenetur appellationi deferre, sed nihilo  
minus ad executionem sententiæ proce-  
dere potest, donec Iudex *ad quem* post ap-  
pellationem receptam inhibuerit, ne ex-  
equatur. *cit. §. Si autem.* Et tradit hīc *Alex. n.*  
*7. & probatur ex hoc cap. vbi dicitur: quod*  
appellans, vt appellatione eius deferendum  
sit, causam probabilem (in hoc casu corre-  
ctionis) exponere debeat.

**Not. IV.** Si appellatum sit à Iudice ra-  
tione officij procedente, Iudex *ad quem*  
cogi-

cogniturus causam, citare debet Iudicem à quo, ut processum suum defendat, ita sumitur ex hoc cap. *inncta gloss. verb. coram.* & tradit *gloss. in cap. Venerabilibus. 7. verb. ab alio. de sent. excomm. in 6.* Sin autem sententia, contra quam appellatum pro alio lata videlicet adversario sit, isque compareat & sententiam defendat, tunc Iudex citandus non est, nisi agatur ad punendum ipsum secundum *Glossam marginalens in cit. cap. Venerabilibus. Franc. h. col. vlt.*

10 Not. V. Si Prælatus Regularis ad corripiendum procedat secundum Ordinis Regulam, recusari non potest, nec ab ipso appellari. ita *Abb. h. c. n. 3.*

## CAPITVLVM LXII.

### Cùm causam.

#### PARAPHRASI.

Inter Abbates & Fratres de Valle ex una parte, & Priorem ac Canonicos de loco nouo ex altera lis erat super Ecclesia H. quam Pontifex Iudicibus delegarat, delegati eandem subdelegarunt non totaliter; coram his subdelegatis Procurator Canonicorum inducias petit ad dilatorias exceptiones offerendas, interea verò Advocatus Procuratoris in iudicio confessus est Priorem & Canonicos in pacifica possessione Ecclesiae amplius 40. annis fuisse; quam confessionem Procurator eodem die, errorem corrígens, reuocauit; eò quod intentioni suae de exceptionibus dilatorias, quæ ante litis contestationem opponi debent, repugnaret, sed Iudices delegati arbitrantes per confessionem illam litem contestatam fuisse, partis adversariæ testes receptorunt, sed & aliud grauamen iidem Iudices adiecerunt, quando examinationem testimoniū quibusdam commiserunt, qui eandem aliis subdelegarunt, & horum ipsorum receptiones seu acta ipsi Iudices delegati approbárunt.

His intellectis Honorius III. mandat quibusdam, si itares se habeat, vt narratum est, videlicet quod testes recepti fuerint post revocatum errorem Advocati, idoque lite non contestata, vel quod Iudices delegati approbárint receptionem testimoniū factam à subdelegatis suorum subdelegatorum (cum tamen non nisi à Principe delegatus causam alteri subdelegare possit) quidquid post appellationem factum est, dummodo in appellatione ipsa expressum fuerit, irritum atque inane esse pronuntient.

#### S V M M A R I V M.

1. *Litis contestatio in iudicio fit per solam contradictionem partis adversariae contra petitionem actoris.*
2. *Procurator ad litem advocationis sibi adiungere potest.*  
*In quo uterque differat.*
3. *Iudex delegatus causam vel articulum causa jurisdictionalem subdelegare non potest, nisi sit delegatus Principis, secus eis de nudo ministerio.*

Notand. I. Litis contestatio in Iudicio fit per solam contradictionem partis adversariae adversus petitionem actoris, vt dixi in cap. vn. de lit. contestat. cum enim Abbas & Fratres peterent Ecclesiam alterius partis, Advocatus obiecit præscriptionem, atque ita contradixit petitioni. Talis autem contradictione Procuratori adversatur, quia eius intentio erat, exceptiones dilatorias opponere, quæ ante litis contestationem, atque contradictionem circa merita cause opponi debent.

Notand. II. Procurator ad litem Advocatum sibi adiungere potest; differt enim Advocatus à Procuratore, sicuti dixi l. 3. tr. 4. c. 16. n. 8. Quia Procurator habet mandatum ad agendum & contradicendum, quare eius confessio in Iudicio nocet principali, nisi allegato & probato errore revocetur cap. vlt. de confess. sed confessio

Ad.